

ইজিসিবি এর বিভিন্ন দপ্তর/বিভাগের সমন্বয়ে অনুষ্ঠিত এপ্রিল-২০১৯ মাসের মাসিক সমন্বয় সভার কার্যবিবরণীঃ

গত ১৭/০৪/২০১৯ তারিখে ব্যবস্থাপনা পরিচালকের সভাপতিত্বে ইজিসিবি এর বিভিন্ন দপ্তর/বিভাগের সমন্বয়ে অনুষ্ঠিত এপ্রিল-২০১৯ মাসের মাসিক সমন্বয় সভা সকাল ০৯:৩০ ঘটিকায় কর্পোরেট অফিসের কনফারেন্স রুমে অনুষ্ঠিত হয়। উক্ত সভায় উপস্থিত কর্মকর্তাগণের তালিকা নথিতে সংরক্ষিত রয়েছে।

সভাপতি উপস্থিত সকলকে স্বাগত জানিয়ে সভার কার্যক্রম শুরু করেন। সভায় বিষয়ভিত্তিক নিম্নোক্ত আলোচনা এবং সিদ্ধান্তসমূহ গৃহীত হয়ঃ

ক্রমিক নং	আলোচ্য বিষয়	আলোচনা	সিদ্ধান্ত	বাস্তবায়নকারী কর্তৃপক্ষ
১।	সিদ্ধিরগঞ্জ ২X১২০ মেঃওঃ পিকিং পাওয়ার প্লান্ট হতে নিঃসরিত তাপ ব্যবহার করে নিকটস্থ শিল্প- কলকারখানার জন্য বাষ্প উৎপাদন করা	সিদ্ধিরগঞ্জ ২X১২০ মেঃওঃ পিপির গ্যাস টারবাইন ইউনিটদ্বয় হতে নিঃসরিত তাপ ব্যবহারের মাধ্যমে বাষ্প উৎপাদন করে তা পরীক্ষামূলকভাবে নিকটস্থ শিল্প-কলকারখানায় সরবরাহের সম্ভাব্যতা যাচাই করার লক্ষ্যে ইতোমধ্যে একটি পরামর্শক প্রতিষ্ঠান কাজ শুরু করেছে। এ বিষয়ে ব্যবস্থাপনা পরিচালক বলেন, উক্ত বিদ্যুৎ কেন্দ্রের কুলিং মডিউল অথবা বিদ্যমান অন্য কোন স্থাপনা প্রতিস্থাপন/অপসারণ না করে কিভাবে বাষ্প উৎপাদনের ব্যবস্থা করা যায়, তা যাচাই করা যেতে পারে। উক্ত বিদ্যুৎ কেন্দ্রকে কন্সাইন্ড সাইকেলে রূপান্তরিত করে অতিরিক্ত বিদ্যুৎ উৎপাদনের চেয়ে উৎপাদিত বাষ্প সিদ্ধিরগঞ্জে অবস্থিত নিকটস্থ শিল্প-কলকারখানায় সরবরাহের বিষয়ে অধিক গুরুত্ব প্রদান করা প্রয়োজন। এজন্য পরামর্শক প্রতিষ্ঠান কর্তৃক বর্ণিত শিল্প-কলকারখানায় বাষ্পের প্রয়োজনীয়তা এবং প্রয়োজনীয় বাষ্পের পরিমাণ যাচাই করা প্রয়োজন। তিনি আরো উল্লেখ করেন যে, বাষ্প উৎপাদনের লক্ষ্যে সিদ্ধিরগঞ্জ ২X১২০ মেঃওঃ পিপির যেকোন একটি গ্যাস টারবাইন ইউনিট পূর্ণভাবে অথবা আংশিকভাবে ব্যবহার করা যেতে পারে। উক্ত প্রকল্পের জন্য ইজিসিবি এর কর্মকর্তাগণ উপযুক্ত কোন স্থান প্রাথমিক ভাবে নির্বাচন করতে পারেন। এজন্য একটি কমিটি গঠন করা যেতে পারে। কমিটি প্রয়োজনে সিদ্ধিরগঞ্জে বিউবো'র আওতায় কন্সাইন্ড সাইকেল বিদ্যুৎ কেন্দ্র নির্মাণের সম্ভাব্যতা যাচাইয়ের লক্ষ্যে পরামর্শক প্রতিষ্ঠান কর্তৃক দাখিলকৃত প্রতিবেদনে সম্ভাব্য স্থান এবং অন্যান্য আনুষঙ্গিক বিষয়সমূহ পর্যালোচনা করতে পারে। এছাড়া, সিদ্ধিরগঞ্জ ২X১২০ মেঃওঃ পিপির নিঃসরিত তাপ ব্যবহারের মাধ্যমে উৎপাদিত বাষ্প শিল্প-কলকারখানায় সরবরাহের বিষয়ে নিয়োগকৃত পরামর্শক প্রতিষ্ঠান এবং স্রেডা এর সংশ্লিষ্ট কর্মকর্তার সাথে ইজিসিবি এর ব্যবস্থাপনা পরিচালকের উপস্থিতিতে একটি সভার আয়োজন করা প্রয়োজন।	(১) সিদ্ধিরগঞ্জ ২X১২০ মেঃওঃ পিপির গ্যাস টারবাইন ইউনিট হতে নিঃসরিত তাপ হতে বাষ্প উৎপাদন করে তা নিকটস্থ শিল্প-কলকারখানায় সরবরাহের প্রয়োজনীয় অবকাঠামো নির্মাণ এবং স্থাপনের জন্য প্রাথমিকভাবে একটি স্থান নির্বাচন এবং আনুষঙ্গিক বিষয়সমূহ বিশদভাবে পর্যালোচনা করার লক্ষ্যে উক্ত বিদ্যুৎ কেন্দ্র এবং পিএন্ডবি শাখার প্রকৌশলীদের সমন্বয়ে একটি কমিটি গঠন করতে হবে। উক্ত কমিটির কার্যপরিধি নিম্নরূপঃ সিদ্ধিরগঞ্জ ২X১২০ মেঃওঃ পিপির এর নিকটবর্তী এলাকায় বর্ণিত অবকাঠামো নির্মাণের জন্য উপযুক্ত স্থান নির্বাচন করা, কমিটি প্রয়োজনে সিদ্ধিরগঞ্জে বিউবো'র আওতায় কন্সাইন্ড সাইকেল বিদ্যুৎ কেন্দ্র নির্মাণের লক্ষ্যে Marubeni কর্তৃক দাখিলকৃত সম্ভাব্যতা যাচাইয়ের প্রতিবেদনটি পর্যালোচনা করবে। (২) বিদ্যুৎ কেন্দ্র হতে উৎপাদিত বাষ্প শিল্প-কলকারখানায় সরবরাহের বিষয়ে নিয়োগকৃত পরামর্শক প্রতিষ্ঠান এবং স্রেডা এর সংশ্লিষ্ট কর্মকর্তাদের সাথে ইজিসিবি এর ব্যবস্থাপনা পরিচালকের উপস্থিতিতে একটি সভার আয়োজন করতে হবে।	প্রধান প্রকৌশলী, সিদ্ধিরগঞ্জ ২X১২০ মেঃওঃ পিকিং পাওয়ার প্লান্ট।

Touhid

ক্রমিক নং	আলোচ্য বিষয়	আলোচনা	সিদ্ধান্ত	বাস্তবায়নকারী কর্তৃপক্ষ
২৮	হরিপুর ৪১২ মেঃওঃ কন্সাইন্ড সাইকেল পাওয়ার প্লান্টে সোলার প্যানেল স্থাপন সংক্রান্ত	সভায় প্রধান প্রকৌশলী, হরিপুর ৪১২ মেঃওঃ সিসিপিপি, অবহিত করেন যে, অত্র বিদ্যুৎ কেন্দ্রের প্রশাসনিক ভবনের ছাদে সোলার প্যানেল স্থাপনের লক্ষ্যে ই-জিপিতে ইতোমধ্যে দরপত্র আহ্বান করা হয়েছে এবং প্রাপ্ত দরপত্রসমূহের মূল্যায়ন প্রক্রিয়াধীন রয়েছে। এ প্রেক্ষিতে ব্যবস্থাপনা পরিচালক আলোচনা করেন যে, উক্ত বিদ্যুৎ কেন্দ্রের প্রশাসনিক ভবনের ছাদে সোলার প্যানেল স্থাপন করা হলে ঘূর্ণিঝড়ে প্যানেল বিচ্ছিন্ন হয়ে পার্শ্ববর্তী অত্র এলাকার গুরুত্বপূর্ণ হরিপুর ২৩০/১৩২ কেভি বিদ্যুৎ উপকেন্দ্রের উপর পতিত হলে বড় ধরনের বিদ্যুৎ বিপর্যয় ঘটানোর সম্ভাবনা রয়েছে। এমতাবস্থায়, হরিপুর ৪১২ মেঃওঃ সিসিপিপির প্রশাসনিক ভবনের ছাদে সোলার প্যানেল স্থাপনের বিষয়টি আরো পরীক্ষা নিরীক্ষা করা যেতে পারে। এজন্য একটি কমিটি গঠন করা প্রয়োজন।	হরিপুর ৪১২ মেঃওঃ সিসিপিপির প্রশাসনিক ভবনের ছাদে সোলার প্যানেল স্থাপনের বিষয়টি আরো পরীক্ষা নিরীক্ষা করার জন্য একটি কমিটি গঠন করতে হবে। উক্ত কমিটি আগামী ১২ মে ২০১৯ এর মধ্যে প্রতিবেদন দাখিল করবে।	প্রধান প্রকৌশলী, হরিপুর ৪১২ মেঃওঃ সিসিপিপি।
৩।	হরিপুর ৪১২ মেঃওঃ কন্সাইন্ড সাইকেল পাওয়ার প্লান্টে প্রবেশের মূল রাস্তা প্রশস্তকরণ এবং এ লক্ষ্যে জমি অধিগ্রহণ সংক্রান্ত	সভায় ব্যবস্থাপনা পরিচালক আলোচনা করেন যে, হরিপুর ৪১২ মেঃওঃ সিসিপিপিতে প্রবেশের মূল রাস্তাটি অত্যন্ত সংকীর্ণ, উক্ত রাস্তাটি প্রশস্ত করা প্রয়োজন এবং এ লক্ষ্যে জমি অধিগ্রহণ করা প্রয়োজন। উক্ত রাস্তাটি কতটুকু প্রশস্ত করা প্রয়োজন, প্রশস্ত করতে প্রয়োজনীয় জমিতে কোন মৌজার কতগুলো দাগ রয়েছে, তা সংগ্রহ করে রাস্তা প্রশস্ত করার বিষয়টি প্রস্তাব আকারে ইজিসিবি এর বোর্ডে উপস্থাপন করা প্রয়োজন। এ বিষয়ে প্রধান প্রকৌশলী, হরিপুর ৪১২ মেঃওঃ সিসিপিপি অবহিত করেন যে, হরিপুরে প্রায় ১২ একর জমি অধিগ্রহণের প্রস্তাব কেন্দ্রীয় জেলা ভূমি বরাদ্দ কমিটিতে উত্থাপিত হলে সকল বাড়ি শ্রেণীভুক্ত জমি অধিগ্রহণে ভূমি মন্ত্রণালয় নিরুৎসাহিত করেছে। এ প্রেক্ষিতে তত্ত্বাবধায়ক প্রকৌশলী (পরিচালন), সিদ্ধিরগঞ্জ ২৫১২০ মেঃওঃ পিপিপি বলেন, হরিপুরে ১২ একর জমি অধিগ্রহণের প্রক্রিয়া বাদ দিয়ে হরিপুর ৪১২ মেঃওঃ সিসিপিপিতে প্রবেশের রাস্তা প্রশস্ত করণের লক্ষ্যে ০২ একর জমি অধিগ্রহণের সংশোধিত প্রস্তাব প্রস্তুত করা যেতে পারে। এর পাশাপাশি উক্ত ০২ একর জমি মালিকদের নিকট হতে সরাসরি ক্রয় করার লক্ষ্যে জমির মালিকদের সাথে আলোচনা করা যেতে পারে।	হরিপুর ৪১২ মেঃওঃ সিসিপিপিতে প্রবেশের মূল রাস্তাটি কতটুকু প্রশস্ত করা প্রয়োজন, প্রশস্ত করতে প্রয়োজনীয় জমিতে কোন মৌজার কতগুলো দাগ রয়েছে, তা সংগ্রহ করে রাস্তা প্রশস্ত করার বিষয়টি প্রস্তাব আকারে ইজিসিবি এর বোর্ডে উপস্থাপন করতে হবে। এছাড়া, রাস্তা নির্মাণের জন্য উক্ত জমির মালিকদের সাথে ইজিসিবি এর ব্যবস্থাপনা পরিচালকের উপস্থিতিতে একটি সভার আয়োজন করতে হবে।	প্রধান প্রকৌশলী, হরিপুর ৪১২ মেঃওঃ সিসিপিপি।
৪।	সিদ্ধিরগঞ্জ ৩৩৫ মেঃওঃ কন্সাইন্ড সাইকেল পাওয়ার প্লান্ট নির্মাণ প্রকল্পকে কেপিআই তালিকাভুক্ত করণ	সভায় প্রকল্প পরিচালক, সিদ্ধিরগঞ্জ ৩৩৫ মেঃওঃ সিসিপিপি নির্মাণ প্রকল্প, অবহিত করেন যে, অত্র প্রকল্পের পশ্চিম ও উত্তর দিকের Boundary Wall নির্মাণ সম্পন্ন হয়েছে। পূর্ব এবং দক্ষিণ দিকের Boundary Wall নির্মাণের কাজ এগিয়ে চলছে। উক্ত Boundary Wall নির্মাণ সম্পন্ন হলে প্রকল্পটিকে কেপিআই তালিকাভুক্ত করণের লক্ষ্যে কেপিআই টীমকে প্রকল্পটি পরিদর্শনের আমন্ত্রণ জানানো হবে।	(১) সিদ্ধিরগঞ্জ ৩৩৫ মেঃওঃ সিসিপিপি নির্মাণ প্রকল্পের Boundary Wall নির্মাণের কাজ ত্বরান্বিত করতে হবে। (২) Boundary Wall নির্মাণ সম্পন্ন হলে বিদ্যুৎ কেন্দ্রটিকে কেপিআই তালিকাভুক্ত করণের লক্ষ্যে দ্রুত কার্যক্রম গ্রহণ করতে হবে।	(১) প্রকল্প পরিচালক, সিদ্ধিরগঞ্জ ৩৩৫ মেঃওঃ সিসিপিপি নির্মাণ প্রকল্প। (২) প্রধান প্রকৌশলী, সিদ্ধিরগঞ্জ ৩৩৫ মেঃওঃ সিসিপিপি।

Touhid

ক্রমিক নং	আলোচ্য বিষয়	আলোচনা	সিদ্ধান্ত	বাস্তবায়নকারী কর্তৃপক্ষ
৫৭	সিদ্ধিরগঞ্জ ৩৩৫ মেঃওঃ সিসিপিপি সহ অন্যান্য বিদ্যুৎ কেন্দ্র এবং প্রকল্পের শূন্যপদে জনবল নিয়োগ সংক্রান্ত	বিদ্যুৎ কেন্দ্র, প্রকল্পসহ অন্যান্য দপ্তর প্রধানগণ সভায় অবহিত করেন যে, লোকবল স্বল্পতার কারণে বিদ্যুৎ কেন্দ্র, প্রকল্পসহ অন্যান্য দপ্তরের কার্যক্রম স্বাভাবিকভাবে পরিচালনায় সমস্যা হচ্ছে। এমতাবস্থায় জরুরীভিত্তিতে শূন্য পদের বিপরীতে পদোন্নতি/জনবল পদস্থ করা প্রয়োজন। এ বিষয়ে ব্যবস্থাপনা পরিচালক আলোচনা করেন যে, ইজিসিবি এর সহকারী প্রকৌশলীসহ অন্যান্য শূন্য পদের বিষয়টি যাচাইয়াত্তে পদ শূন্য থাকলে নিয়োগের প্রক্রিয়া এবং পদোন্নতি প্রদানের বিষয়ে দ্রুত কার্যক্রম গ্রহণ করা প্রয়োজন।	ইজিসিবি এর সকল বিদ্যুৎ কেন্দ্রের পরিচালন ও সংরক্ষণ কার্যক্রম এবং প্রকল্পের কার্যক্রম সুষ্ঠুভাবে সম্পন্ন করার জন্য সহকারী প্রকৌশলীসহ অন্যান্য শূন্য পদের তথ্যাদি যাচাইয়াত্তে জনবল নিয়োগের কার্যক্রম গ্রহণ করতে হবে।	মহাব্যবস্থাপক (এইচআর)।
৬।	বিদ্যুৎ কেন্দ্র এবং কর্পোরেট অফিসের জন্য ডাইভার নিয়োগ সংক্রান্ত	সভায় ব্যবস্থাপনা পরিচালক আলোচনা করেন যে, মার্চ ২০১৯ এর মাসিক সমন্বয় সভার সিদ্ধান্ত অনুযায়ী সিদ্ধিরগঞ্জ ৩৩৫ মেঃওঃ সিসিপিপির নির্বাহী প্রকৌশলীর যাতায়াত সেবা প্রদানের জন্য ডাইভার নিয়োগের বিষয়ে এইচআর শাখা কর্তৃক দ্রুত প্রয়োজনীয় ব্যবস্থা গ্রহণ করা প্রয়োজন।	ডাইভার নিয়োগের কার্যক্রম দ্রুত গ্রহণ করতে হবে।	মহাব্যবস্থাপক (এইচআর)।
৭।	সিদ্ধিরগঞ্জ ৩৩৫ মেঃওঃ সিসিপিপি নির্মাণ প্রকল্পের ঠিকাদারের Performance Guarantee encash করা প্রসঙ্গে	সিদ্ধিরগঞ্জ ৩৩৫ মেঃওঃ সিসিপিপি নির্মাণ প্রকল্পের প্রধান ঠিকাদারী প্রতিষ্ঠান Isolux Ingenieria S.A., Spain আর্থিক সংকটের কারণে গত ২৩ শে ডিসেম্বর, ২০১৬ হতে প্রকল্পের সকল কাজ বন্ধ করে দেয়। এর ফলে প্রকল্প বিলম্বিত হয়। এ প্রেক্ষিতে উক্ত প্রতিষ্ঠানের Performance Guarantee বাজেয়াপ্ত করা হয় এবং তা সোনালী ব্যাংকের একটি একাউন্টে জমা রাখা হয়। উক্ত অর্থ বিশ্বব্যাংক হতে গৃহীত ঋণ বিধায় তা অতিসত্ত্বর বিশ্বব্যাংককে ফেরত প্রদান করা প্রয়োজন। বর্তমানে উক্ত অর্থের জমা রাখায় ইজিসিবিকে অতিরিক্ত সুদ প্রদান করতে হচ্ছে।	প্রকল্পের ঠিকাদারী প্রতিষ্ঠান Isolux Ingenieria S.A., Spain এর বাজেয়াপ্ত Performance Guarantee বিশ্বব্যাংককে ফেরত প্রদানের বিষয়টি আরো পর্যালোচনা করতে হবে। উপ-মহাব্যবস্থাপক (হিসাব) এ বিষয়ে কার্যক্রম গ্রহণ করবেন এবং উপ-মহাব্যবস্থাপক (অর্থ/অডিট) ও সংশ্লিষ্ট প্রকল্প পরিচালক এ বিষয়ে তাঁকে সহযোগিতা করবেন।	উপ- মহাব্যবস্থাপক (হিসাব)।
৮।	কর্মকর্তা/ কর্মচারীদের performance মূল্যায়নের জন্য প্রদত্ত ACR এ নম্বর বিন্যাস	সভায় প্রধান প্রকৌশলী (পিএন্ডডি) অবহিত করেন যে, মার্চ ২০১৯ এর মাসিক সমন্বয় সভার সিদ্ধান্ত অনুযায়ী ইজিসিবি এর কর্মকর্তা/কর্মচারীদের performance মূল্যায়নের জন্য স্ব স্ব নিয়ন্ত্রণকারী কর্মকর্তার পাশাপাশি সংশ্লিষ্ট ইউনিট অফিসে একটি কমিটি গঠন করে কমিটির সকল সদস্য এবং উক্ত ইউনিট প্রধান ACR এ নম্বর প্রদানের বিষয়টি ইজিসিবি এর ইনোভেশন কমিটি যাচাই করবে এবং আগামী মাসিক সমন্বয় সভার পূর্বে এ বিষয়ে ব্যবস্থাপনা পরিচালক এবং নির্বাহী পরিচালক (প্রশাসন ও অর্থ/প্রকৌশল)-কে অবহিত করবে।	ইজিসিবি এর কর্মকর্তা/কর্মচারীদের performance মূল্যায়নের জন্য স্ব স্ব নিয়ন্ত্রণকারী কর্মকর্তার পাশাপাশি সংশ্লিষ্ট ইউনিট অফিসে একটি কমিটি গঠন করে কমিটির সকল সদস্য এবং উক্ত ইউনিট প্রধান ACR এ নম্বর প্রদানের বিষয়টি ইজিসিবি এর ইনোভেশন কমিটি যাচাই করবে এবং এ বিষয়ে কমিটির পর্যবেক্ষণ ও সুপারিশ আগামী মাসিক সমন্বয় সভায় উপস্থাপন করবে।	প্রধান প্রকৌশলী (পিএন্ডডি) - কমিটির আহ্বায়ক।
৯।	প্রশিক্ষণ কর্মসূচী	সভায় নির্বাহী পরিচালক (প্রশাসন ও অর্থ) অবহিত করেন যে, ইজিসিবি এর কর্মকর্তাদের ইনোভেশনের বিষয়ে a2i কর্তৃক ০৫ দিন ব্যাপী প্রশিক্ষণ প্রদানের লক্ষ্যে a2i এর সংশ্লিষ্ট কর্মকর্তাদের	২৮ এপ্রিল ২০১৯ তারিখ থেকে ইজিসিবি এর কর্মকর্তাদের ইনোভেশনের বিষয়ে a2i কর্তৃক	মহাব্যবস্থাপক (এইচআর) এবং নির্বাহী

Touhid

ক্রমিক নং	আলোচ্য বিষয়	আলোচনা	সিদ্ধান্ত	বাস্তবায়নকারী কর্তৃপক্ষ
		সাথে আলোচনা করা হলে তারা ২৮ এপ্রিল ২০১৯ তারিখ থেকে উক্ত প্রশিক্ষণ প্রদানের বিষয়ে সম্মতি প্রদান করেন। তারা উক্ত প্রশিক্ষণটি কৃষিবিদ ইন্সটিটিউট অব বাংলাদেশ, BIAM অথবা এলজিইডি এর আওতাধীন ট্রেনিং সেন্টারে আয়োজন করার পরামর্শ প্রদান করেন।	০৫ দিন ব্যাপী প্রশিক্ষণ প্রদানের লক্ষ্যে এইচআর এবং আইসিটি শাখা প্রয়োজনীয় কার্যক্রম গ্রহণ করবে।	প্রকৌশলী (আইসিটি)।
১০।	ইজিসিবি এর ওয়েবসাইট আধুনিকীকরণ	সভায় নির্বাহী প্রকৌশলী (আইসিটি) অবহিত করেন যে, বিদ্যুৎ বিভাগের নির্দেশনা অনুযায়ী ইজিসিবি এর বর্তমান ওয়েবসাইটটি অন্যান্য সকল সরকারি প্রতিষ্ঠানের ওয়েবসাইটের মত একই আঙ্গিকে প্রস্তুত করতে হবে। এ লক্ষ্যে ইজিসিবি এর বর্তমান ওয়েবসাইটের ডোমেইন .com.bd হতে .gov.bd তে পরিবর্তন করার জন্য ইতোমধ্যে বিটিসিএল কে পত্র প্রেরণ করা হয়েছে। বিটিসিএল থেকে সম্মতি পাওয়া সাপেক্ষে a2i এর সহযোগিতায় ইজিসিবি এর বর্তমান ওয়েবসাইটটি পরিবর্তন করা হবে। তত্ত্বাবধায়ক প্রকৌশলী (পিএন্ডডি) আলোচনা করেন যে, ইজিসিবি এর লোগোটি আরও আধুনিক করা যেতে পারে।	ইজিসিবি'র বর্তমান ওয়েবসাইটটি অন্যান্য সকল সরকারি প্রতিষ্ঠানের ওয়েবসাইটের মত একই আঙ্গিকে প্রস্তুত করার জন্য আইসিটি শাখা দ্রুত ব্যবস্থা গ্রহণ করবে। ইজিসিবি এর লোগোটি আরও আধুনিক করার লক্ষ্যে ইজিসিবি'র আগ্রহী কর্মকর্তা/ কর্মচারী নতুন ডিজাইন সম্বলিত লোগো প্রস্তুত করে স্ব স্ব দপ্তর প্রধানের মাধ্যমে পিএন্ডডি বিভাগে প্রেরণ করবেন।	নির্বাহী প্রকৌশলী (আইসিটি), সকল দপ্তর প্রধান এবং প্রধান প্রকৌশলী (পিএন্ডডি)।
১১।	কেপিআই লক্ষ্যমাত্রা	সভায় প্রধান প্রকৌশলী (পিএন্ডডি) অবহিত করেন যে, ইজিসিবি এর ২০১৮-১৯ অর্থবছরের কেপিআই সূচক Current Ratio এর লক্ষ্যমাত্রা ১.৬:১ এবং Heat Rate এর লক্ষ্যমাত্রা ৮,১০০ কিঃজুল/কিঃওঃ ঘণ্টা অর্জন করা কেন সম্ভব হবে না, তার যৌক্তিক কারণ ব্যাখ্যাসহ বর্ণিত সূচক দুইটির লক্ষ্যমাত্রা পুনর্মূল্যায়নের অনুরোধ করে বিদ্যুৎ বিভাগে পত্র প্রেরণ করা হয়েছে। এ বিষয়ে বিদ্যুৎ বিভাগের সংশ্লিষ্ট কর্মকর্তার সাথে আলোচনা করা হয়েছে। এছাড়া, বিদ্যুৎ কেন্দ্র FGMO - তে পরিচালনা, গ্যাস স্বল্পতা ইত্যাদি বিবেচনা করে আগামী ২০১৯-২০ অর্থবছরের কেপিআই লক্ষ্যমাত্রা যৌক্তিকভাবে নির্ধারণ করে নির্ধারিত সময়ের পূর্বেই বিদ্যুৎ বিভাগে প্রেরণ করা প্রয়োজন।	ইজিসিবি এর ২০১৮-১৯ অর্থবছরের কেপিআই সূচক Current Ratio এবং Heat Rate এর লক্ষ্যমাত্রা পুনর্মূল্যায়নের জন্য পাওয়ার সেল এবং বিদ্যুৎ বিভাগের সংশ্লিষ্ট কর্মকর্তাদের সাথে আলোচনা অব্যাহত রাখতে হবে। এছাড়া, বিদ্যুৎ কেন্দ্র FGMO - তে পরিচালনা, গ্যাস স্বল্পতা ইত্যাদি বিবেচনা করে আগামী ২০১৯-২০ অর্থবছরের কেপিআই লক্ষ্যমাত্রা যৌক্তিকভাবে নির্ধারণের প্রস্তাব বিদ্যুৎ বিভাগে প্রেরণ করতে হবে।	প্রধান প্রকৌশলী (পিএন্ডডি)।
১২।	Integrated Management System (IMS) বাস্তবায়ন	সভায় তত্ত্বাবধায়ক প্রকৌশলী (পিএন্ডডি) অবহিত করেন যে, ইজিসিবি এর কর্পোরেট অফিস এবং সিদ্ধিরগঞ্জ ২x১২০ মেঃওঃ পিপিপি-তে Integrated Management System (IMS) বাস্তবায়নের জন্য ২৬ ফেব্রুয়ারি ২০১৯ হতে ০৪ মার্চ ২০১৯ তারিখ ব্যাপী Stage 2 অডিট সম্পন্ন হয়েছে। Stage 2 অডিটে প্রাপ্ত Non-conformity (NC) সমূহ নিষ্পত্তি করার জন্য NC এর জবাব ইতোমধ্যে অডিটরের নিকট প্রেরণ করা হয়েছে। এ প্রেক্ষিতে ব্যবস্থাপনা পরিচালক মহোদয় আলোচনা করেন যে, IMS বাস্তবায়নের ফলে ইজিসিবি এর কর্মকর্তা/কর্মচারীদের স্বাস্থ্যসেবা এবং নিরাপত্তা সংক্রান্ত যে সকল	IMS বাস্তবায়নের লক্ষ্যে Stage 2 অডিটে প্রাপ্ত Non-conformity সমূহ দ্রুত নিষ্পত্তি করতে হবে। IMS বাস্তবায়নের বিষয়টি এইচআর শাখা নিয়মিত ভিত্তিতে তদারকি করবে।	মহাব্যবস্থাপক (এইচআর)।

Touhid

ক্রমিক নং	আলোচ্য বিষয়	আলোচনা	সিদ্ধান্ত	বাস্তবায়নকারী কর্তৃপক্ষ
		কার্যক্রম বাস্তবায়ন করা হয়েছে, তা নিয়মিত ভিত্তিতে তদারকি করা প্রয়োজন।		
১৩।	সিদ্ধিরগঞ্জ ২X১২০ মেঃওঃ পিপিপি এবং হরিপুর ৪১২ মেঃওঃ সিসিপিপির বর্তমান PPA সংশোধন এবং সিদ্ধিরগঞ্জ ৩৩৫ মেঃওঃ সিসিপিপির জন্য প্রস্তুতকৃত PPA অনুমোদন	সভায় উপ-মহাব্যবস্থাপক (অর্থ) অবহিত করেন যে, সিদ্ধিরগঞ্জ ২X১২০ মেঃওঃ পিপিপির বর্তমান Power Purchase Agreement (PPA) এর সংশোধনের বিষয়টি বিউবো'র আইপিপি সেল-১ এ প্রক্রিয়াধীন রয়েছে। এছাড়া, হরিপুর ৪১২ মেঃওঃ সিসিপিপির Power Purchase Agreement (PPA) এর সংশোধনের বিষয়টিও বিউবোতে প্রক্রিয়াধীন রয়েছে। উক্ত PPA সংশোধনের বিষয়ে বিউবো'র চেয়ারম্যানের সাথে আলোচনা করা প্রয়োজন। উপ-মহাব্যবস্থাপক (অর্থ) আরো উল্লেখ করেন যে, সিদ্ধিরগঞ্জ ৩৩৫ মেঃওঃ সিসিপিপির জন্য প্রস্তুতকৃত Power Purchase Agreement (PPA) অনুমোদনের লক্ষ্যে বিউবো'তে প্রেরণ করা হয়েছে। এ বিষয়ে পরবর্তীতে বিউবো কর্তৃক যাচিত তথ্যাদিসমূহ সংগ্রহ করে বিউবোতে প্রেরণ করা হয়েছে। এছাড়া, ট্যারিফ নির্ধারণের বিষয়ে যাচিত Justification প্রস্তুতের কাজ চলছে।	হরিপুর ৪১২ মেঃওঃ সিসিপিপি এবং সিদ্ধিরগঞ্জ ২X১২০ মেঃওঃ পিপিপির বর্তমান Power Purchase Agreement (PPA) সংশোধন এবং সিদ্ধিরগঞ্জ ৩৩৫ মেঃওঃ সিসিপিপির জন্য প্রস্তুতকৃত Power Purchase Agreement (PPA) অনুমোদনের জন্য এ বিষয়ে দায়িত্বপ্রাপ্ত কর্মকর্তাগণ বিউবো'র সাথে নিয়মিত যোগাযোগ করে PPA সমূহ অতি দ্রুত চূড়ান্ত করবেন।	প্রধান প্রকৌশলী (পিএন্ডডি)।
১৪।	ই-ফাইলিং এ নথি উপস্থাপন ও পত্র জারী	ইজিসিবি এর সকল দপ্তরে ই-ফাইলিং এ নথি উপস্থাপন ও পত্র জারীর সংখ্যা বৃদ্ধি করার জন্য সকল কর্মকর্তা তার নিকট পেন্ডিং থাকা ডাক/নথি ২৭ এপ্রিল ২০১৯ তারিখের মধ্যে নিষ্পন্ন করার জন্য ব্যবস্থাপনা পরিচালক নির্দেশনা প্রদান করেন।	ই-ফাইলিং এ নথি উপস্থাপন ও পত্র জারীর সংখ্যা বৃদ্ধি করার জন্য সকল কর্মকর্তা তার নিকট পেন্ডিং থাকা ডাক/নথি ২৭ এপ্রিল ২০১৯ তারিখের মধ্যে নিষ্পন্ন করবেন।	সকল বিভাগীয় প্রধান।
১৫।	ইজিসিবি এর আর্থিক ক্ষমতা অর্পণ বিধি (Delegation of Financial Power) সংশোধন	সভায় উপ-মহাব্যবস্থাপক (অর্থ) অবহিত করেন যে, ইজিসিবি এর আর্থিক ক্ষমতা অর্পণ বিধি (Delegation of Financial Power) সংশোধন কার্যক্রম সম্পন্ন করার জন্য বিদ্যমান কমিটি পুনর্গঠন করা হয়েছে। এ বিষয়ে নির্বাহী পরিচালক (প্রশাসন ও অর্থ) আলোচনা করেন যে, উক্ত কমিটি কর্তৃক জরুরীভিত্তিতে একট সভা আয়োজন করে কাজটি দ্রুত সম্পন্ন করা প্রয়োজন।	ইজিসিবি এর আর্থিক ক্ষমতা অর্পণ বিধি (Delegation of Financial Power) সংশোধন সংক্রান্ত গঠিত কমিটি ১০ মে ২০১৯ তারিখের মধ্যে আর্থিক ক্ষমতা অর্পণ বিধিটি চূড়ান্ত করে ব্যবস্থাপনা পরিচালকের নিকট দাখিল করবে।	নির্বাহী পরিচালক (প্রশাসন ও অর্থ)-কমিটির আহ্বায়ক।
১৬।	ইজিসিবি এর কর্পোরেট অফিসের জন্য ফ্লোর ভাড়া নেয়া সংক্রান্ত	সভায় প্রধান প্রকৌশলী (পিএন্ডডি) অবহিত করেন যে, ইজিসিবি এর কর্পোরেট অফিসের বিদ্যমান সেটআপভুক্ত জনবল এবং প্রকল্প দপ্তর স্থাপন ও প্রকল্প দপ্তরের জনবলের বসার জন্য প্রয়োজনীয় স্থান ভাড়া নেয়ার লক্ষ্যে সংশ্লিষ্ট ফ্লোর কর্তৃপক্ষের সাথে আলোচনা করা হচ্ছে।	ইজিসিবি এর কর্পোরেট অফিসের বিদ্যমান সেটআপভুক্ত জনবল এবং প্রকল্প দপ্তর স্থাপন ও প্রকল্প দপ্তরের জনবলের বসার জন্য প্রয়োজনীয় স্থান ভাড়া নেয়ার লক্ষ্যে গৃহীত কার্যক্রম ত্বরান্বিত করতে হবে।	এ বিষয়ে গঠিত কমিটি।
১৭।	নথি/পত্র/ দপ্তরাদেশের বিষয় সুস্পষ্টভাবে উল্লেখকরণ	সভায় নির্বাহী পরিচালক (প্রকৌশল) আলোচনা করেন যে, ই-নথিতে ইজিসিবি এর সকল নথি/ডাক এবং ই-মেইলে পত্র/দপ্তরাদেশ প্রেরণের ক্ষেত্রে নথি/পত্রের বিষয় সুস্পষ্টভাবে উল্লেখ করা প্রয়োজন। বিশেষ করে বিদ্যুৎ কেন্দ্র এবং কর্পোরেট অফিসের ডেসপ্যাচ থেকে ই-নথিতে যেসকল নথি/ডাক এবং ই-মেইলে	ই-নথিতে ইজিসিবি এর সকল নথি/ডাক এবং ই-মেইলে পত্র/দপ্তরাদেশ প্রেরণের ক্ষেত্রে নথি/পত্র/দপ্তরাদেশের বিষয় সুস্পষ্টভাবে উল্লেখ করতে হবে।	সংশ্লিষ্ট কর্মকর্তা/ কর্মচারী।

Touhid

ক্রমিক নং	আলোচ্য বিষয়	আলোচনা	সিদ্ধান্ত	বাস্তবায়নকারী কর্তৃপক্ষ
		যেসকল পত্র/দপ্তরাদেশ প্রেরণ করা হয়, সেসকল নথি/পত্র/দপ্তরাদেশের বিষয় সুস্পষ্টভাবে উল্লেখ করা প্রয়োজন।		
১৮।	দুর্ঘটনারোধে সচেতনতা সৃষ্টি	সভায় ব্যবস্থাপনা পরিচালক আলোচনা করেন যে, ভূমিকম্প, অগ্নি দুর্ঘটনাসহ যেকোন প্রাকৃতিক দুর্যোগের ক্ষেত্রে বিল্ডিং হতে ইভাকুয়েশনের জন্য বোরাক টাওয়ারের জরুরী নির্গমন সিঁড়িতে যেন কোন প্রতিবন্ধকতা না থাকে, তা নিশ্চিত করা প্রয়োজন। এছাড়া, ইজিসিবি এর কর্মকর্তা/কর্মচারীগণ কর্তৃক নিজ নিজ অফিস রুম ত্যাগ করার পূর্বে ইউপিএস সহ অন্যান্য ইলেক্ট্রিক্যাল যন্ত্রপাতির বিদ্যুৎ সংযোগ সুইচ বন্ধ করা প্রয়োজন। সাপ্তাহিক দুইদিনের ছুটিসহ দীর্ঘ সময়ের জন্য অফিস বন্ধ হলে সেক্ষেত্রে অফিসের বিদ্যুতের সার্কিট ব্রেকার খোলা রাখা যেতে পারে। এছাড়া, ছাদের গেট তালাবদ্ধ রাখা যাবে না।	(১) ভূমিকম্প, অগ্নি দুর্ঘটনাসহ যেকোন প্রাকৃতিক দুর্যোগের ক্ষেত্রে বিল্ডিং হতে ইভাকুয়েশনের জন্য বোরাক টাওয়ারের জরুরী নির্গমন সিঁড়িতে যেন কোন প্রতিবন্ধকতা না থাকে এবং ছাদের গেট যেন খোলা থাকে, এইচআর শাখা তা নিশ্চিত করবেন। (২) ইজিসিবি এর কর্মকর্তা/কর্মচারীগণ অফিস শেষে নিজ নিজ কক্ষ/ওয়ার্ক স্টেশন ত্যাগ করার পূর্বে কম্পিউটার, ইউপিএস, লাইট, ফ্যান, এসি সহ অন্যান্য বৈদ্যুতিক যন্ত্রপাতির বিদ্যুৎ সংযোগ সুইচ বন্ধ করবেন। (৩) সাপ্তাহিক দুইদিনের ছুটিসহ দীর্ঘ সময়ের জন্য অফিস বন্ধ হলে সেক্ষেত্রে প্রয়োজন হলে অফিসের বিদ্যুতের সার্কিট ব্রেকার খোলা রাখার ব্যবস্থা করতে হবে।	মহাব্যবস্থাপক (এইচআর)। সংশ্লিষ্ট সকল কর্মকর্তা/কর্মচারী। মহাব্যবস্থাপক (এইচআর), কর্পোরেট অফিস এবং সকল বিদ্যুৎ কেন্দ্র, প্রকল্পের ব্যবস্থাপক (প্রশাসন)।
১৯।	কর্মকর্তা/ কর্মচারীদের স্বাস্থ্য সেবা সংক্রান্ত	সভায় তত্ত্বাবধায়ক প্রকৌশলী (পরিচালন), সিদ্ধিরগঞ্জ ২৫১২০ মেঃওঃ পিপিপি অবহিত করেন যে, ইজিসিবি এর কর্মকর্তা/কর্মচারীদের যেকোন শারীরিক অসুস্থতায় প্রাথমিক সেবা প্রদানের জন্য সকল বিদ্যুৎ কেন্দ্র, প্রকল্প এবং কর্পোরেট অফিসে নির্দিষ্ট কর্মকর্তা/কর্মচারীকে প্রাথমিক সেবা প্রদান এবং ফাস্ট এইড বক্সের ব্যবহারের বিষয়ে প্রশিক্ষণ প্রদান করা প্রয়োজন। এছাড়া, ইজিসিবিতে কোন নিয়োগকৃত ডাক্তার নেই। এমতাবস্থায়, সিদ্ধিরগঞ্জ ২৫১২০ মেঃওঃ পিপিপির কর্মকর্তা/কর্মচারীদের চিকিৎসা সেবা প্রদানের জন্য একজন ডাক্তার সপ্তাহে তিনদিন একটি নির্দিষ্ট সময়ে দুই ঘণ্টা করে চিকিৎসা সেবা প্রদানের জন্য নিয়োজিত করা যেতে পারে। এ প্রেক্ষিতে মহাব্যবস্থাপক (এইচআর) অবহিত করেন যে, কর্পোরেট অফিসের কর্মকর্তা/কর্মচারীদের জরুরী চিকিৎসা সেবা প্রদানের জন্য অত্র ভবনে অবস্থিত বাংলাদেশ ইন্ডিয়া ফ্রেন্ডশীপ পাওয়ার কোম্পানি লিমিটেড এর অফিসের নিয়োগকৃত ডাক্তারকে দেখানো যেতে পারে।	ইজিসিবি এর সকল কর্মকর্তা/কর্মচারী এবং এর অধীন সকল বিদ্যুৎ কেন্দ্র ও প্রকল্পের কর্মকর্তা/কর্মচারীদের যেকোন শারীরিক অসুস্থতায় প্রাথমিক সেবা প্রদানের জন্য প্রাথমিক সেবা প্রদান এবং ফাস্ট এইড বক্সের ব্যবহারের বিষয়ে প্রশিক্ষণ প্রদানের ব্যবস্থা করতে হবে। ইজিসিবি এবং সকল বিদ্যুৎ কেন্দ্র, প্রকল্প দপ্তরের কর্মকর্তা/কর্মচারীদের চিকিৎসা সেবা প্রদানের জন্য একজন ডাক্তার নিয়োজিত করা যায় কিনা, সে বিষয়টি পরীক্ষা করে পরবর্তী সভায় পেশ করবে।	মহাব্যবস্থাপক (এইচআর), কর্পোরেট অফিস এবং সকল বিদ্যুৎ কেন্দ্র, প্রকল্পের ব্যবস্থাপক (প্রশাসন)।

Touhi

ক্রমিক নং	আলোচ্য বিষয়	আলোচনা	সিদ্ধান্ত	বাস্তবায়নকারী কর্তৃপক্ষ
২৬	ইজিসিবি'র Asset Valuation	সভায় প্রধান প্রকৌশলী (পিএন্ডডি) আলোচনা করেন যে, বিদ্যুৎ বিভাগের আওতাধীন দপ্তর/সংস্থা/কোম্পানির সমন্বয়ে অনুষ্ঠিত মার্চ ২০১৯ মাসের মাসিক সমন্বয় সভার আলোচ্যসূচী-৮ এর সিদ্ধান্ত (ঘ)-তে উল্লেখ রয়েছে যে, সকল দপ্তর/সংস্থা/কোম্পানি নিজ নিজ Asset Valuation করে বিদ্যুৎ বিভাগকে অবহিত করবে। এ প্রেক্ষিতে ব্যবস্থাপনা পরিচালক আলোচনা করেন যে, Asset Valuation সঠিকভাবে সম্পন্ন করার জন্য কর্পোরেট অফিস, সকল বিদ্যুৎ কেন্দ্র, প্রকল্পের উপ-মহাব্যবস্থাপক/ব্যবস্থাপক (হিসাব) এবং সংশ্লিষ্ট প্রধান প্রকৌশলীর উদ্যোগ গ্রহণ করা প্রয়োজন।	ইজিসিবি'র Asset Valuation সঠিকভাবে সম্পন্ন করার জন্য কর্পোরেট অফিস, সকল বিদ্যুৎ কেন্দ্র, প্রকল্পের উপ-মহাব্যবস্থাপক/ব্যবস্থাপক (হিসাব) উদ্যোগ গ্রহণ করবেন এবং সংশ্লিষ্ট প্রধান প্রকৌশলী/প্রকল্প পরিচালক এ বিষয়ে তাঁদেরকে সহযোগিতা করবেন।	উপ-মহাব্যবস্থাপক (হিসাব), কর্পোরেট অফিস এবং সকল বিদ্যুৎ কেন্দ্র, প্রকল্পের ব্যবস্থাপক (হিসাব)।

সভায় আর কোন আলোচনা না থাকায় সভাপতি উপস্থিত কর্মকর্তাগণকে ধন্যবাদ জ্ঞাপন করে সভার সমাপ্তি ঘোষণা করেন।

(প্রকৌশলী অরুন কুমার সাহা)
ব্যবস্থাপনা পরিচালক
ইজিসিবি।

বিতরণ (সদয় অবগতি ও কার্যার্থে প্রেরণ করা হলো):

- ১) নির্বাহী পরিচালক (প্রশাসন ও অর্থ/প্রকৌশল), ইজিসিবি, ঢাকা।
- ২) প্রধান প্রকৌশলী, সিদ্ধিরগঞ্জ ২x১২০ মেঃওঃ পিপিপি/হরিপুর ৪১২ মেঃওঃ সিসিপিপি/সিদ্ধিরগঞ্জ ৩৩৫ মেঃওঃ সিসিপিপি, ইজিসিবি, নারায়ণগঞ্জ।
- ৩) প্রকল্প পরিচালক, সিদ্ধিরগঞ্জ ৩৩৫ মেঃওঃ কন্সট্রাক্ট সাইকেল পাওয়ার প্লান্ট নির্মাণ প্রকল্প, ইজিসিবি, নারায়ণগঞ্জ।
- ৪) প্রধান প্রকৌশলী (পিএন্ডডি), কর্পোরেট অফিস, ইজিসিবি, ঢাকা।
- ৫) কোম্পানী সচিব, ইজিসিবি, ঢাকা।
- ৬) সকল তত্ত্বাবধায়ক প্রকৌশলী/উপ-মহাব্যবস্থাপক, ইজিসিবি।
- ৭) ব্যবস্থাপক (এইচআর/প্রশাসন), কর্পোরেট অফিস এবং সকল বিদ্যুৎ কেন্দ্র, ইজিসিবি।

অনুলিপিঃ

১. অফিস কপি।

Touhid